

國朝耆獻類征初編

國朝耆獻類征初編

國朝耆獻類徵初編卷三百三目錄

將帥四十三

張成

富僧額

德勒克扎布

德楞泰

子蘇冲阿

宗室永鐸

珠隆阿

奎舒

王得祿

奎嶺

奎嶺

蘇州府

千禧水河

宗室永戰

杜顯國

張氏

富曾龍

張氏

張氏四十三

國朝書目類編卷三十三目錄

國朝耆獻類徵初編卷三百三

通奉大夫前署江西巡撫江西布政使司布政使湘陰李桓輯
將帥四十三

張成

張成貴州興義人乾隆四十三年由行伍拔補安義鎮右營外委
四十四年升左營把總五十二年擢右營千總六十年雲貴總督
福康安四川總督和琳會剿湖南永綏苗匪成在事出力 賞戴
藍翎尋授廣西梧州協右營守備嘉慶元年七月和琳以捧風坳
山梁爲通平隴僻徑令成等帶兵搶占以資堵禦十一月調貴州
威甯鎮右營守備十二月隨湖廣總督鄂輝由石隆山後堵截賊

匪受槍傷奉 旨以應升之缺升用旋擢雲南劍川營都司二年正月調赴四川達州軍營六月隨四川總督宜縣收復東鄉攻克張家觀等處賊寨 賞換花翎九月遷雲南撫標右營遊擊時鐵瓦寺賊匪圍官兵於開縣之回龍場遊擊布勒亨都司崔德甯被戕成帶領防守開縣官兵三百援之賊始潰三年五月由萬縣高梁鋪攻剿林亮功股匪追至大丫口殲斃七十餘名生擒六名七月剿賊於蘭芽場成偕遊擊薛大烈等分股抄襲在向家坪後葉溝一帶殲賊四百餘九月擢四川會川營參將六年調貴州提標中軍參將八年署平遠協副將因籍隸本省調雲南尋霑營參將十年授廣西慶遠協副將十三年遷右江鎮總兵十四年卒

右 國史館本傳

富僧額

富僧額正黃旗滿洲人世居布特哈之達呼爾乾隆三十八年以領催從征金川四十一年攻克噶喇依賊巢將軍阿桂奏補驍騎校賞戴藍翎四十八年遷佐領五十六年遷副總管十一月從征廓爾喀五十七年隨參贊海蘭察攻克博爾東拉各處營寨木城賞換花翎嘉慶二年七月從征川省邪匪三年正月隨參贊德楞泰追剿賊首高均德至陝西南鄭值賊眾涉淺偷渡漢江卽率兵衝入江心迎擊以功賞給斐禮巴圖魯名號三月隨德楞泰馳至山陽小廟口適張添倫股匪竄至遂與德楞泰分兵兩路迎擊自辰至酉殲賊二千餘名四年十月隨德楞泰擒高均德於

西鄉大市川五年四月敗張子聰股匪於潼河六年二月追剿樊人傑股匪至通江獅子嶺偕侍衛武隆阿帶領馬隊直前衝入射斃偽總兵周一洪擒斬賊千餘名奉 旨交部議敘 賞給額外

總管五月隨提督七十五至川東亮垭子山梁奮擊湯思蛟股匪賊潰追至崖屋子長嶺岡連破賊卡三座斃賊二百餘名又於陝西平利大坪山後隨四川總督勒保策應七十五攻克藍號王士萬股匪追至乾溝子殺賊百餘名十月七十五攻賊於川北太平烏龍溪山梁富僧額帶馬隊由溝底旁抄橫襲殺賊匪王曰貴等三百餘名七年三月隨德楞泰進剿綠號賊匪於雲陽奉節界之鳳皇山擒教首李世漢李國珍等又追剿白號賊匪張長青於萬

縣大水溪均有功是年冬軍務告歲八年二月偕侍衛明喜管領
東三省官兵凱旋進京引見記名十年補布特哈總管十一年
八月隨木蘭圍獲鹿賞穿黃馬褂是月隨護軍統領溫春等前
赴陝西剿捕甯陝鎮叛兵旋即事竣十三年擢察哈爾副都統十
四年二月卒子德普星額見任驍騎校

右 國史館本傳

四手二民卒于燕普皇馬王與韓外

少知西海諸國刻後為吳凱昭率越十三手縣察合柯爾塔特十

八民與木蘭國與吳黃軍其地與吳吳凱昭率越十三手縣察合柯爾塔特十

東三手自吳凱昭率越十三手縣察合柯爾塔特十

西六手自吳凱昭率越十三手縣察合柯爾塔特十

德勒克扎布

德勒克扎布博爾濟吉特氏正白旗蒙古人一等子爵溫都遜之子由閒散於乾隆四十年授藍翎侍衛四十六年遷三等侍衛四十七年升二等侍衛在蒙古奏事處行走五十年十月擢頭等侍衛授伊犁領隊大臣十一月奉 旨來京仍在蒙古奏事處行走旋挑充乾清門侍衛五十二年授圍場總管五十五年授哈喇沙爾領隊大臣六十年正月授墨爾城副都統十二月調熱河副都統嘉慶元年四月保送城守尉將協領德保觀德二人咨部引見 諭曰各省將軍大臣每次保舉協領一員德勒克扎布自應酌量保舉一員要一熟練之人辦事乃初至熱河於屬員賢否未

能深悉遽行保送明係瞻徇邀譽著嚴行申飭二年三月咨稱熱河駐防兵丁請照京城之例給予閏月米石經大學士由戶部議奏奉 旨准其賞給四年五月奏請將熱河資生銀兩給予操演兵丁 諭曰此項資生銀兩原係 皇考每年 巡幸熱河因彼處官兵差多特加 恩賜德勒克扎布因朕本年不巡幸熱河請將此項賞給操演兵丁嗣朕巡幸熱河時又如何賞給耶況賞賜出自朕恩大臣任意市惠此風甚惡惟知沽名殊未思恩威大權不可下移甚有關係德勒克扎布著嚴加申飭五年正月因口芳圍居庫銀被竊 上以德勒克扎布有應得之咎 命來京候旨嗣因正犯未獲案難審結奉 旨德勒克扎布仍畱熱河副都統

任十月奏拏獲夥口芳園居庫銀正犯葛光亮李國旺等解京
命交刑部嚴審得實德勒克扎布以失察交部議處部議降二級
調用 賞給頭等侍衛在大門上行走十一月授烏魯木齊領隊
大臣八年八月 上駐避暑山莊總管圍場副都統韋陀保以天
氣較寒水涸草枯具奏 上命王大臣等查勘十數圍不見麋鹿
之跡奏稱管圍場大臣平時稽察不力兵民潛入圍場偷取茸角
致鹿隻驚竄遠颺 上准蒙古王公等所請停止行圍 命將韋
陀保及前歷任副都統交部分別嚴加議處部議德勒克扎布降
二級調用 上加恩改爲降三級畱任九年二月調喀什噶爾幫
辦大臣四月調庫倫辦事大臣七月 獮典屆期 上命御前大

臣拉旺多爾濟赴木蘭查勘本年所定十三圍內仍未見有鹿隻
並查得嘉慶四五年因 裕陵大碑樓並 萬年吉地工程應用
木植奏准於圍場處所所伐司事者辦理不善任令匪徒偷所牟
利茲因圍期伊邇將未運之木焚燒滅跡致令鹿隻遠逸 諭曰
此項工程需用木植係嘉慶四年間前任熱河副都統德勒克扎
布總管姚良奏請辦理伊等不但辦理不善且恐有別項情弊德
勒克扎布姚良均著來京候旨 八月總理行營王大臣會同軍機
大臣 行在刑部審擬具奏德勒克扎布承辦大工木植時原奏
定於莫多圍等十四處無礙行圍地方所伐旋因大件木料不敷
並不據實檢舉奏明請 旨輒令委員擅向行圍處所所伐委員

德新泰等奉行不善濫斫多株復將散棄餘木任意燒燬遂致牲
獸驚逸連年貽誤 秋獮大典實由德勒克扎布辦理舛謬所致
擬革職杖一百徒三年照例免遣折枷 諭曰本應照議懲治姑
念德勒克扎布係一糊塗蒙古且曾任大員著革職免其杖徒折
枷十月 賞給藍翎侍衛授圍場總管給六品俸銀十一年正月
喀什噶爾參贊大臣和甯奏審辦哈喇沙爾庫帑虧空一案因歷
任大員將存庫銀兩借給官兵商民回子土爾扈特等以致虧空
奉 旨德勒克扎布著交部嚴加議處來京聽候部議尋議降三
級調用 上命軍機大臣等查彼處虧空庫貯始自何人二月查
明乾隆五十九年彼處辦事大臣係德勒克扎布 命卽革職解